

宋

史

翼

宋史翼卷三十

陸心源輯

列傳第三十

忠義一

石待舉

李英

唐子正

葉居申

毛奎

王履

李階

周隨亨

潘中

夏承

袁植

王霽

史徽

劉滂

余光庭

熊安上

鄭構

林子立

羅復

鄭中立

翁開

詹友端

黃璘

包汝諧

曹夬

董公健

江汝度

葉鑛

詹良臣

毛櫟

張理

周承已

婁淵  
潘守貞

王行之

鮑琢

程全

盧榕

于沂

陳自仁

張摛

葉顛

李琪

林師益

呂由誠

危翁一

魏孝友

晏溥

翁延慶

劉位

蔡琳

王寵

陳士尹

盧以中

陳迪

於琳

閻勅

王相如

馮安國

程端中

王佐才

豐治

上官悟

盛修己

沈攸

方致堯

陳德

李詰

石待舉字寶臣天聖五年進士補沂州軍推官會河  
陝用兵除通判保州先是州有雲翼軍數千人俱隸  
沿邊巡警皆精銳驍勇故廩給特優治平間復領以  
中貴人訓練無法驍蹇日甚邊郡患之待舉條奏乞

均廩食且以武臣領之驍卒往往怨語中貴人罷去  
武臣俞貴代之貴怙寵恃勇憾奪已之權與中貴人  
及卒之怨者日以言激之故逆卒乘間鼓謀劫庫兵  
爲亂待舉聞難徒步率州兵數百人討賊轉鬪於市  
賊鋒銳不可敵兵潰遇害

成化新  
昌縣志

李英字子厚高要人天聖中同學究出身初仕象州  
司理參軍轉博羅簿用辟薦歷橫州白州欽州推官  
所至以廉能稱熙寧中欽州守臣謀敗釁交入攻城  
陷之英以死守一家殲于刃者十有三人

明統志云  
儂寇之難

神宗聞而悼之贈比部郎中詔錄其季子忠爲班行

從弟表爲三班忠乃招魂葬之於祿村建祠祀之號

比部廟祀於鄉賢

黃志

唐子正字幾卿興安人治平初舉孝廉後通判邕州  
熙寧八年冬交趾圍邕與蘇絨固守外援不至城陷

與絨死之

一統志

葉居申福建莆田人父胄熙寧九年進士威武軍節  
度推官居申元符三年第進士授奉議郎宣和二年  
調通判睦州將赴任道聞清溪賊方臘作亂從吏勸  
無行居申曰吾被命爲州佐以寇故避難不行是不  
臣也叱馭而前比至賊勢張甚居申戰不利閉關拒

守郡守張徽言棄城走賊圍急城將陷有壯士數十人欲擁之去居申曰守既去吾又去一州塗炭矣何以生爲整冠北向再拜畢出坐堂上賊至遂遇害賊平居申子廷伏闕訟其事會當路與居申父冑有宿憾抑之惟補廷及弟建文學廷建力辭居申褒恤竟

不及

福建通志

毛奎舊名偶字世高紹聖間進士爲閩曹建卒張員作亂奎力疾諭之遂死於兵血流如白乳

天啟衛州府志

王履字坦翁開封縣人曾祖螭閩門通事舍人祖仲平知潞州父景瑤皇城使知澧州履好學通經史

薦不第元符二年以父南郊恩補三班奉職元祐間  
上書力言朝政闕失怒當事褫官編置新州預黨人  
列名在碑籍政和初復官差充提舉恩冀州黃河堤  
掃句當公事以功轉成忠郎五年吳玠辟充本司准  
備次年隨府罷宣和二年又復上書極諫勒停六年  
敘復舊官秘書少監賈禋戶部侍郎虞欒薦履殿對  
稱旨差監西左藏庫轉修武郎靖康元年八月以武  
翼大夫充大金白西軍前和議副使副李若水行至  
太原見罕粘議以租賦奉大金贖其地金人不從十  
一月還京越三日復與若水王雲馬識遠再使軍前



行次中牟守河兵潰或傳金人已渡河眾謀改路若  
水疑未決履曰守邊防河諸隘將士望風逃避奉使  
又若此朝廷何所賴以某處之惟有死耳若水然之  
遂令曰違者行軍法眾遂定沿路屢挽若水奏朝廷  
乞嚴設備次懷州逢金館伴使蕭慶劉思前來言已  
遣使請畫河爲界更不須議三鎮履不勝其憤氣疾  
作輿以還隨金軍進閏十一月三日至京城外粘罕  
召履與若水飲且曰奉使有勞宜勸以酒若水歎曰  
某等奉命議和不能爲國家定大事罪宜死酒不敢  
飲粘罕笑曰前言戲之耳履曰君國事大曷可爲戲

擲酒盃擲於地粘罕大怒曰事已至此尙敢爾耶  
曰殺人以挺與刃亦無異也粘罕呼左右曰之履曰  
平生讀書頗識忠孝事死尙不惜何懼囚也曰囚之  
冲虛觀城陷粘罕悉兵與若水入城十二月四日履  
與若水從駕出軍前駕還除履武勝軍承宣使履辭  
上曰卿盡忠佐國面折金賊固宜重賞履對曰臣六  
世食祿方蒙陛下誠懼當朝廷多事之秋願以死報  
國家實不敢冒膺殊賞竟不拜命遂授昭州觀察使  
又辭上不允正月初履從駕再出軍前若水命金人所  
留二月六日金人廢帝宣華畢遣罕令護駕歸京說

上御服掩抱持獨曰皇帝爲百萬生靈屈身來此  
影賊不得無禮籍罕命左右牽去之傷及頭面二十  
一日與苦水大罵不屈被害於青城郊臺下臨刑神  
色不動仰天長歌有爲首向天今天卒無言忠臣効  
死兮死亦何愆之語聞者莫不墮淚時年四十八子  
二高中立中建炎元年贈保寧軍節度使與李若  
水被害時翰高不歎曰南朝若人第一子豈可今日  
屈好問題其墓曰大宋忠臣節使王公之墓

三朝北  
盟會編

八十

李階字晉祖福建光澤人父洪階崇寧二年禮部省

試第一既廷對會安惇之兄忱以特奏名對策言使  
黨人之子魁多士無以示天下遂奪階出身遇赦敘  
復調楚州鹽城縣尉建炎初攝臨安府比較務州卒  
陳通作亂脅階叛階叱之遂遇害事聞贈右承事郎

與一子官

福建通志

周隨字崇宣二年進士紹興間以直龍圖閣傳宣陝

蜀死於閩州亂軍贈忠國侯

正德江山縣志

潘中字民極福建浦城人崇寧五年進士第三人歷  
知長溪縣靖康二年徵欽二帝北狩詔下嗚咽流涕  
觀者感慟已而建卒葉濃叛中慮濃迫境團結民兵

蘇忠義社以爲備明年賊勢益張寧德令遣書報急  
中率兵夜赴控扼白鶴嶺賊卻去復烏合千餘中迎  
戰於鹽田之麓陷陣被執賊脅使降中瞋目叱之曰  
汝輩平時養父母畜妻子春秋衣廩郊祀賞給國何  
負汝汝敢背叛我憾不斬汝萬段肯與汝俱生耶遂  
遇害尸僵立不仆事聞詔贈朝請大夫官其二子

建福

通志

夏承字元茂鄞人以太學上舍登崇寧五年第靖康  
間任開封少尹寇犯闕大尹徐秉哲散文勝根括皇  
族冀以免死承奮身立爭潛令諸廂毀棄文勝放散

苛留之人紹興二年臣寮疏列其事國事方殷未及

褒表隆興初特贈三官二年贈左朝議大夫

寶慶四  
明志

袁植字材老無錫人登崇寧進士第詞學兼茂科爲  
監察御史金人入寇陳邊防十三事以誅佞人爲先  
不納引疾休至建炎召爲左司諫直言忤臣黜守岳  
陽會虜騎大入叛臣李允文據昇擁眾怙亂植條奏

其狀遂遇害允文誅贈直龍圖閣

重修毗  
陵志

王霽獻可之子也獻可語詳列傳霽崇寧中爲詳議  
官上書言蔡京罪鯨隸海島欽宗復其官從种師中

戰死

山西通志  
參長編

弟雲宋史自有傳

史徽字洵美一云東美鹽官人勤苦力學登崇寧進士累遷戶部郎官出爲京西運判徽宗下詔罪已罷西城所督逋賦徽悉焚其租籍進右司郎中以疾致仕高宗卽位起爲司農少卿建炎三年扈駕至江口遂遇害贈左大中大夫右文殿修撰子龜年岑年皆至員外郎

萬歷杭  
州府志

劉滂字德霖婺州武義人大觀三年進士調新昌令豪鄒氏橫里中挾貴嫺誣人死滂捕致械治之部使爲請不聽卒敷以法蔡京與滂祖爲布衣交滂至京師京欲挽爲黨滂拂衣去建炎中知建昌軍建昌兵

習悍驕要求無度滂至一以法繩之兵不勝忿持戟入市掠人物卽拒者刺傷之滂捕繫追償兵遂爲變滂及母妻皆死其妻湯氏侍姑側兵及身猶不去故遇害建昌人聞滂死慟哭失聲朝廷旣誅始亂者褒滂爲朝請大夫官其一子

宋學士文集

余光庭字朝美福建羅源人大觀三年由國子監薦試擢第唱名居前列值從兄深校文以親嫌奏黜政和二年復領鄉薦試禮部廷唱仍在前列徽宗識其名深異之累官光祿寺丞出知鄧州建炎初金人陷州不屈死舉家殲焉

福建通志



熊安上字仲禮福建建陽人衮八世孫也大觀三年  
中武科第一人時叔姪兄弟文武同登上賜詩云晉  
室安元齊奏捷虞廷元愷並登庸累官信德府兵馬  
幹轄權通判軍州事金兵南下禦戰死之追贈武義

郎

福建  
通志

鄭柎福建龍溪人政和初應選補武學生時募良家  
子從軍柎往投郵延路總管劉延慶軍効用與夏人  
戰大理河多所斬獲以功補承信郎賊平授汀州黃  
土寨巡檢捕獲據盜王猪奴辟興化軍吉了寨巡檢  
會黃土寨兵黃勝等煽亂復以柎權巡檢勝素懼柎

威名閉塞自焚宣和七年金人犯邊栲赴樞密院自  
陳願赴河北軍前任使累立戰功轉修武郎靖康初  
金兵逼都城栲隨勤王兵入援補四門都巡檢力戰  
死之紹興初劉光世請於朝授其子綸承信郎福建通志  
林子立字伯與福建興化人政和二年進士調知衡  
州武陵縣靖康元年詔諸道以兵勤王子立募集鄉  
勇二千餘人率赴南道總管軍營至荆門遇金兵接  
戰眾寡不敵中流矢卒帥司上其事於朝福建通志  
難復字無悔銅陵人政和三年進士知胙城縣靖康  
之難金人逼城下復力禦之身被重創死守久之城

始陷南渡後以忠節褒

江南通志

鄧中立字從之福建長汀人登政和五年進士初調崇安縣尉金兵南下擢行軍總管奉使募福建民兵得數十人轉而前收復尤蔡等州遂入蔡州固守金兵再圍蔡州城陷被害特贈朝散郎官其子穆紹熙中再官其孫岫

福建通志

翁開壽昌人政和五年進士宣和二年攝清溪尉方臘寇起領所部與賊戰不勝被執罵賊而死

兩浙名賢錄

詹友端字伯尹宣城人政和丙申鄉貢第一建炎初上書言復讐取中原事語甚壯不報值潰將賊方

宣城友端親當鋒矢以爲眾倡賊平補迪功郎調監  
池州贍軍酒庫盜發鄰郡郡委友端攝西安尉與賊  
戰中流矢卒詔錄其子雷

一統志

黃璘字邦美福建浦城人幼孤嗜學登重和元年進  
士歷官拱州襄邑縣丞靖康元年金人分兵襲拱州  
驅郡縣吏爲鄉導一郡風靡璘獨移病不出金兵懼  
之急遂赴井死時年四十吏得故棺以殮藁葬城外  
數月其弟至發棺視之見棺蓋大書一十三字曰異  
日諸弟來煩舉葬於先塋之側驗之乃璘筆蓋矢死  
其素志也建炎初贈朝奉郎官其弟之子爲璘後

通志

包汝諧溫州人業儒事親孝宣和庚子方臘起睦州連陷杭歙婺諸郡至遂昌郡守倅皆倉皇莫知計所出州學教授劉士英與館下生石礪謀禦賊糾集義士王三錫等二十八人汝諧與焉白諸父老曰某等雖無官守然所食皆君食也可值時變而甘不義乎乃身先士卒先後禦賊不下數十戰竟死於難事平立專祠賜忠孝扁

周行己包汝諧傳

曹夬休寧人任睦州建德丞方臘之亂死其官詔進秩三等與三子恩澤

休寧縣志載夬登崇寧二年第今案登第曹夬乃夥人官至本

州通判非休  
盜曹夫也

董公健字伯強新昌人宣和庚子方臘起桐廬蔓延  
新昌官吏奔竄公健慷慨率子弟聚里中萬人馭以  
紀律遂破賊焚其寨斬首千級境內復安王師討剗  
西賊檄公健爲先鋒公健藉累勝之威以數百當數  
千殺獲頗眾已乃王師不進勢孤援絕公健度事不  
可爲呼眾語曰大丈夫盜以義死不可以不義生遂  
自殺贈武功大夫汝州團練使官其諸子

萬歷紹興府志

江汝度字致一開化人爲桐廬尉會方臘竊發死事

特贈通直郎官其子蹊蹕

宏治衢州府志

葉鏞字勉明壽昌人宣和二年方臘竊發與龍溪洪  
基護鄉共有功授忠訓郎瑞州軍馬都監靖康二年  
金人犯闕與王時雍守東壁粘罕攻城急鏞守禦甚  
力歿於王事

嚴陵志

詹良臣福建崇安人官縉雲尉值方臘寇處州良臣  
禦之深入無援被執賊愛其勇脅之降良臣罵曰男  
兒以身許國便當斬頭瀝血不顧身死盜能向若輩  
求活耶賊怒支解之事聞官其子大方

福建通志

毛桌字叔縝江山人少有節操晚以特恩爲歙士曹  
睦寇攻城官吏皆遁桌曰吾職司寇獄有繫囚誼不

可去乃攝州事時二子貢辟雍卽遣人持印絕城以  
出令上之朝城陷桌衣冠坐堂上賊脅使降不屈罵  
不絕口嬰刃而死妻錢氏弗忍去婦掖其姑又弗忍  
去俱遇害事聞贈朝請郎

兩浙名賢錄

張理瑞安人宣和間寇至郡縱火延壩接橋理統兵  
爲先鋒出城迎敵賊眾披靡俄而橋陷溺死郡爲立  
忠義廟祀之德祐間封忠惠侯

萬曆溫州府志

周承已字恭先行已弟婁淵字淵明潘守眞字適道  
皆永嘉人清溪寇渡樂澗將攻城統制郭仲荀遣裨  
將張理帥師迎敵承已等慨然請於郡以行渡壩按



橋賊鋒銳甚麾兵據橋爲陣橋斷皆溺死德祐中理  
封節惠侯配享忠烈廟承已等三人皆從祀於旁州

溫州府志

王行之字才仲太平人爲婺州士曹宣和三年方臘  
寇婺守臣皆遁行之曰吾刑官也分當死職遂遇害

一統志

鮑琢旌德人宣和中方臘寇靈國琢糾義兵擊破之  
補承信郎明年賊盧邁寇涇琢力戰中流矢死

一統志

程全字禹昌休寧人宣和末方臘盜起縣令翁山棄  
印去全起義兵遮道請留從大將劉延慶破淳安

源洞授修武郎又從待制洪中孚招河北劇盜張仙  
宦官李彥妬其功效罷歸彥誅乃復官後從康王入  
援忤汪伯彥被斥從宗澤破金人於衛州苗劉之亂  
從劉光世勤王授開州團練使詔封休寧縣開國伯  
食邑九百戶復忤建康留守杜克會金兀朮入寇克  
督之出戰眾寡不敵死紹興三年詔贈協忠大夫錄

其子孫累贈太尉

新安文獻志開州團練使程公神道碑

盧榕字叔材初名郁福建永福人登宣和三年進士  
歷衛州安仁令紹興初劇寇曹擁眾自江北掠湖南  
時帥臣向子諲駐兵安仁不滿千數寇鼓譟入邑榕

率民兵轉戰力屈死之贈宣教郎

子沂字詠道以父死事補官初爲廣州東莞縣尉襲破劇盜綦和尚乾道中通判韶州攝英州劇盜李全抑犯廣州英爲上流人心驚潰簽判請棄城遁沂誓死守城賴以保進二秩命爲眞守未幾賊猝至沂戰死高宗憫之復官其子鑄

福建通志

陳自仁字克廣福建興化人宣和六年第進士調吉州永豐縣尉屢捕盜有功不肯自陳建炎三年金人自馬家渡濟江遂攻吉州隆祐皇太后避敵至太和縣龍神衛四廂都指揮使楊惟忠所領衛兵萬人皆

潰其將傅選等九人悉去爲盜將犯永豐知縣趙訓之與自仁簡兵分爲二一取間道遠賊後一據地利匿其精兵以誘賊賊至伏發殲其眾賊別校繼至官兵未成列遂敗自仁與訓之皆死之郡上其事贈自仁通直郎官其子褐孫後永豐人立祠祀之自仁與

享焉

福建通志

張搆未詳里貫宣和六年累官武略大夫副連南夫爲大金賀正旦使二年二月金人犯滑州宗澤聞之謂諸將曰滑當衝要必爭之地失之則京城危矣不欲再勞諸將我當自行搆曰願效死澤大喜卽以銳

卒五千人授之搗至滑州身率將士與金迎敵眾且  
十倍諸將請少避其鋒搗曰避而偷生何面目見宗  
元帥鏖戰數合日暮敵少卻澤遣統領官王宣以五  
千騎往援未至搗再戰死之後二日宣至與金兵大  
戰于北門士卒爭奪金出不意退兵河上宣曰敵必  
夜濟收兵不追半濟而擊之斬首數百所傷甚眾澤  
卽命宣權知滑州且令載搗喪以歸爲之服總厚加  
賻卹仍請於上贈搗拱衛大夫明州觀察使錄其家  
四人金自是不敢復犯東京矣

繫年要錄十三

葉頭福建仙遊人兄禹宣和間頗與禹徒步入京師

並隸太學金兵南下詔設武藝謀略科顛首中其選授承節郎靖康之難大將劉廷卿范瓊統材武人分四壁除顛京城東壁守禦官時金兵攻圍日急顛度勢不可支召禹謂曰忠孝不可兩全吾已受命當登陣死戰以盡臣節爾歸養父母可也禹相對泣涕而別城陷顛力戰死之

福建通志

李珙字溫之永福人少業儒尙氣節三試禮部兩升上庠不偶乃慨然以功名自奮會宜州蠻入寇以禦賊首功補右職進築南丹州以珙攝州監押爲先鋒羣蠻畏懾納款歸疆積官至武功大夫劇賊劉花三

嘯聚自虔吉入寇廣東朝廷議擇將禦之除廣東路  
至則盡俘其眾檻賊首送京師擢忠州刺史知融州  
議者以爲賞輕拜邕州團練使會金人犯京以蠟書  
召天下兵琪聞之集僚佐曰主憂臣辱主辱臣死豈  
可以道遠便自營乎募死士三千人屬通判蔣炳文  
與俱炳文托爲桂帥所留琪獨引兵進北至衡州賊  
將擁數萬眾扼其前旁郡皆閉城自守或勸琪宜退  
琪不從竟戰死事聞贈忠州防禦使官其子一人詔

旌其門曰忠義

全志

林師益福建仙遊人父豫師益少習武略以父任補

三班借職調洛州雞澤縣尉上書論邊防利害議切  
時政有旨差充京畿第十四副將累授武翼郎閩門  
宣贊舍人提舉京城四壁守禦司後軍統制未幾金  
兵逼京師侍從孫傅等薦充京畿第一副將訓練馬  
步軍駐劄陳留縣楊時在講筵奏師益曉達軍政使  
專督兵馬必有績效授京畿第一等正將守禦鄭原  
武金兵至不克攻去明年金兵再犯京師諸將皆遁  
惟師益孤軍守原武不動守禦使劉韜請於宰相何  
棟亟召師益兵入援師益行次封邱遇金前鋒迎戰  
破之明日金兵大至師益謂其副將曰彼眾我寡誠



不敵然此吾致命之秋尙何顧哉遂力戰死之一男

若瀾

一作淵

甫晬一女九歲妻葉氏及乳媪襁負流離

凡五六載始歸兄師舜官至中大夫靖康中守職不肯避金兵全家被害弟師皋通直郎亦死於王事詔

各官其一子

福建通志

呂由誠壽州人徽宗末知乘氏縣有治績後知集慶府康王移軍濟陽由誠竭力饋餉軍以不乏金兵城

陷不屈死之

山東通志宦績

危翁一福建光澤人家貧業樵靖康中聞徽欽二帝北行哭三日骨立而死李炳以詩弔之云南鄉老人

危翁一歲晏雨晴扶杖出驚聞二聖塵再蒙歸闔柴  
門哭三日眼空愁絕聲遂止里人唁翁翁死矣凜然  
生氣申包胥萬古千秋葬忠義

福建  
通志

魏孝友字移可臨建甌寧人卓犖不羈弱冠入學應  
詔論時政得失凡十餘疏金人犯闕徽欽二帝被留  
營中孝友作歌一篇情辭悽惋躬詣軍前欲與金帥  
粘罕辨伏兩日不得達傅亮勤至闕檄爲幕府從事  
孝友請往迎康王亮遣之王卽位授迪功郎調濠州  
定遠令建炎三年潰卒朱海擁眾數千人入縣界孝  
友率兵至永康鎮拒之海曰我假道而過秋毫不敢

犯尙與公戰乎孝友不納麾民兵擊之海怒悉尿而前民兵潰孝友孤軍弗支遂被執死之事聞贈朝奉

郎官其子

福建通志

晏溥字慧開丞相元獻公之孫叔厚之子豪傑不羈之士也好古文邃於籀學作晏氏鼎彝譜一卷載所親見三代鼎彝及器窳靖康初官河北金賊犯順散家財募兵扞賊與妻玉牒趙氏戎服率義士力戰而死

籀史

翁廷慶字德甫福建崇安人父肅慶曆六年進士歷知濱江峽袁潭五州官終職方郎中廷慶以父蔭補

官靖康初知博州聊城縣舉義兵從王若訥等勤王  
至京師南薰門與金人戰死之贈朝散大夫官其子

世修

福建  
通志

劉位招信縣人靖康中率眾勤王會淮上盜起部使  
者徵位保鄉井盜畏其鋒號橫山劉家軍建炎三年  
合兵復滁州卽攝州事兼滁濠鎮撫使羣盜張文孝  
等奄至城下卽出戰中流矢死詔贈建甯節度使建

廟於滁賜額剛烈命其子綱襲職

繫年  
要錄

蔡椿字子堅福建仙遊人曾祖襄自有傳靖康中椿  
以父蔭補虔州會昌縣尉視事纔數月贛賊犯境愀

領所部及鄉兵數千人與賊相持兵潰力戰死之贈承事郎官其子顓後贈朝散大夫楸工詩兼楷法能得襄遺意

福建通志

王寵宜川人靖康中官迪功郎既陷僞齊屏處村落間不復仕進劉豫聞其名令赴京擢用寵稱疾不行者經歲州郡強遣之寵至京終不受僞命而去紹興十年改官檢登聞鼓院

繫年要錄七十一

陳士尹字彥衡德安人建炎初與武寧李彥先同應詔勤王時號三將軍在軍中十五年忠義激烈奮不顧身與金人鏖戰屢奏功後與李彥先同沒於陣事

聞贈保義郎淮西統制兵馬使敕立碑祀之

人物志

盧以中歙縣人建炎初官奉議郎守監察御史元年冬十月高宗幸淮甸舟次寶應縣御營後軍作亂以中從駕不及立船舡叱賊爲所逼墮水死上命求以中所在得之水中拱立如故詔以中知無不言死于非橫贈左諫議大夫賜其家銀帛百匹兩官子孫二

人

繫年要錄卷十

陳迪建炎初官陝西提舉軍馬武功大夫榮州團練使長安陷守臣唐重死迪猶率餘眾巷戰嘔血誓眾

敵大入死之

繫年要錄十二

於琳蕭山人爲本州防城保甲建炎初陳通叛琳從  
浙東安撫討賊戰敗被執賊欲刺面強降之琳罵不  
屈賊戾擯射矢著如蝟罵不絕口死之

兩浙名賢錄

閻勅字人建炎初官保寧軍承宣使主管侍衛步  
軍司公事四月宗澤奏爲保護陵寢使建炎二年九  
月以所部奉西京會聖宮祖宗神御南歸由蔡河而  
下至濠州守臣孫逸謂之曰大尉雖王臣而逸未嘗  
識面今爲軍民計不敢開門勅曰勅奉神御而來守  
臣郊迎禮也逸乃朝服率屬吏遙拜于四望樓勅不  
能奪而去初勅至沙河遇劇賊張用說使歸朝以其

義女嫁之因以爲中軍統領用遣其參議官與勅偕

行

要錄

二十四年擢神龍衛四廂都指揮使節制淮南軍

馬初山東盜起濮州人史康民因迎神會有織扇儀  
從之物藉以爲資遂擁眾作亂轉至淮南往來於淮  
泗間有張文孝者在其軍中後畔康民殺康民父母  
自爲一軍勅之節制淮南也自山陽渡淮至泗州文  
孝出城迎拜勅喜與文孝偕至招信縣節制軍馬劉  
位禦之文孝戰不勝與勅往濠州屯於黃連阜文孝  
名爲迎勅實挾勅也是時康民屯於韭山文孝往攻  
濠州康民乘虛掩黃連阜破其寨邀勅以歸屯於定



遠縣勅猶以節制之職傳檄河南諸郡敵將周企在  
壽春僞知濠州孫興以告企遣其將趙壽統兵自渦  
口渡淮是日入西門康民出兵迎敵大敗而歸壽已  
自北門入執勅而去是役也康民幾死使臣趙宏救  
之得免宏湯陰射士也初爲岳飛部曲勅從飛假之  
勅至南京金人欲降之不可欲以爲京東安撫使又  
不可敵怒殺之訃聞贈檢校少保昭化軍節度使謚

壯節

要錄三十三

王相如字次卿宣城人建炎初江右盜起相如爲賊  
所得州檄賊降賊令屬草報州相如奮毒叱曰吾死

不爲賊作牒遂遇害一門皆死所著有溪堂集周紫芝序之稱爲仁者之勇云

一統志

馮安國字彥修福建順昌人力學能文行誼尤高時行王安石經說安國晦迹於家聚徒講學建炎中范汝爲據尤溪沙縣籍民降附安國不屈死

福建通志

程端中伊川之子南渡後徙家池州建炎中知六安軍事金人攻六安端中固守城破死之池州都統制程全收其骨葬於池

一統志

王佐才字昌輔福建崇安人少遊邑庠有聲善談兵尤精弓矢建炎間范汝爲作亂佐才總義兵禦之後

建陽巨級王延勝等聚眾剽掠佐才復討平之以功  
補承信郎累吉州水軍統領與賊首胡義戰中流舟  
壞而歿吉人廟祀之

福建通志

豐治禮部尚書稷之孫建炎中高宗駐蹕淮揚金人  
入境時治監轉般倉死之紹興十一年詔褒其忠錄

子誼爲將仕郎

萬厯上虞縣志

上官悟字仲達福建邵武人父均悟以父任補泰州  
司士參軍建炎三年權京城副留守初留守杜充赴  
行在檄知蔡州程昌寓爲留守判官旣而昌寓以乏  
糧還蔡州副留守郭仲荀亦引餘兵歸悟承其後號

令不復能行留守司名存而已濟南守臣劉豫既叛  
降金遣使以書說悟悟焚書斬其使豫密賂其左右  
喬思恭宋原俾同勸悟悟復斬之明年悟權留守時  
河南北悉屬金惟京師及畿邑猶固守然糧儲乏絕  
民多饑死有河北僉軍首領聶淵者邵武府志率其  
徒以食物與守城者博易積久稔熟悟不之疑一夜  
淵與其徒數百人登城北壁縱火焚樓櫓會城東有  
羣盜李漬蘇大刀等悟欲藉其力以擒淵招之入城  
漬等既入焚掠不止城中大亂悟及副留守趙倫皆  
出奔淵以城獻金悟至唐州爲董平所殺事聞贈右

文殿修撰官其後五人悟孫謚字安國從朱子遊以  
祖蔭授贛州會昌東尉調永州推官爲政簡易用法  
不深刻民懷之遷肇慶府四會令視事方五日卒

建福

通志

盛修已建炎三年以保義郎權宿州通判盜斬修武  
犯州城修已守節不屈爲所害紹興九年知樞密樓  
紹據州人之請入告贈教翼郎闔門宣贊舍人封表  
其墓

繫年要錄二十八  
參一百二十九

沈攸字子宜揚子人建炎三年賊邵青犯眞州攸攝  
揚子簿以狀白府乞以所糾土兵禦之賊勢張甚攸

挺身拒敵北門死之

嘉靖揚州志

方致堯甯國人建炎庚戌賊方寇甯國致堯伏鄉兵於嶺隘大破之賊益兵至中流矢被執脅之降罵曰我豈從賊者耶遂死之

一統志

陳德國人建炎四年金人陷建康德結眾欲殺金人部勒已定前期爲其徒所告舉家被害

繫年要錄三十二

李喆字國人建炎末以文林郎知彭陽縣關陝之陷守令以城下者金皆因而命之喆獨不降與其民移治境上僞命執之以獻欲官之凡三辭金人以爲歸附命爲儒林郎喆言于所司曰元系捕獲不

敢受歸附之賞以其牒還之

繫年要錄  
四十二

宋史異卷三十終

男樹譚校字

宋史翼卷三十一

蘇援蔡麟卷三十一前忿成史南趙橋通湖種廣道橋蘇麟道傳陸道如四級臣陸心源輯

列傳第三十一

忠義二

王玠

張憲

邱祈

陳希造

蔡青

劉頌

陳適

楊世永

梁楚

虞輔國

李憲

詹世勛

趙良坡

毛士毅

楊九鼎

黃樞

江應洪

鄭勳

應純之



昔橫

唐璟

程光庭

梁滿

秦綱

陳旦

戴衍

黃從龍

王赳

曹孝先

徐干能

黃復

廖居仕

姚望之

吳從龍

劉純

朱浚

顏公衮

高談

張愁

卓得慶

吳駿發

徐斌

徐梅龜

徐夢發

劉仕龍

鮑廉

曾如驥

陳夢立

吳洪德

樓斌

程洙

徐宗仁

趙良坦

楊夢斗

陳壽孫

陳龍復

蔡蒙吉

陳士英

卓子信

曾逢龍

高應松

曾垣

豐存芳

胡德廣

韓觀國

劉揚祖

林逢龍

弟廷龍

陳虞之

章如旦

邱必明

何新之

王玠字介玉長洲人倜儻負氣節酒酣常舞劍爲樂  
徙居鄂州黃庭堅謫官來鄂玠以文費見大蒙稱賞

庭堅贈以詩由是有聲江湖間紹興初孔彥舟爲舒  
蘄鎮撫使奏爲幕屬初權邦彥知東平彥舟隸麾下  
因事叛去及聞邦彥簽書樞密心不安又宣州韓世  
清伏誅及韓世忠自湖外破劉忠俘馬友順流東下  
彥舟疑其圖己遂有異志問計於玠玠正色答之曰  
總管被命鎮撫二州任優祿厚豈可負朝廷自陷不  
義論以順逆凡數百言彥舟怒囚之越數日復問之  
玠曰君不能與韓公爭先立功以報君父乃甘心與  
逆賊爲比而慮其見圖苟欲富貴能建大勳於國家  
則可何獨比虜能富貴人哉君誠欲反幸先殺我孰

謂王玠而從賊耶彥舟竟沈玠於龍眼磯與妻子俱  
死時紹興二年六月十三日也彥舟既殺玠引兵北  
降劉豫初玠赴彥舟之辟或止之玠曰吾慮之熟矣  
彼方駐兵於此姑爲鄉井計倘能息其暴戾固非玠  
一身之計也及被害鄉人悲其志爲立廟磯上周燾

賦哀詞刻石焉

周燾志

張憲貴溪人武力絕倫紹興初選爲博興巡檢方臘  
寇陷兩浙憲募勇士千人兼程以進賊懼引退遂復  
衢州未幾金掠滑州卽馳赴之既瀕河會橋斷不克  
渡至亳州聞駕北狩欲邀截而不能乃趨兵濟南謁

高宗因薦文武全才堪爲將相者七人以李綱宗澤  
爲首拜武義大夫江南東路軍騎總管久之江東妖  
賊王則大熾憲走上饒會兵進討兵未集爲賊所陷  
與其子琳死焉事聞贈武功大夫官其兩子

林志

邱祈福建仙遊人紹興間江廣寇起蔓及閩境祈與  
族人杞結忠義社以自固山寇起杞力戰死鄉人立  
祠祀之扁曰忠義已而寇自潮海踐汀漳侵軼前之  
惠安十五年三月乙丑夜掩至邑西鄉都統張淵令  
武翼郎袁章破賊於磨石山下章死於陣賊亦潰去  
越月復至眾洶洶思避祈率同社禦於九座山手及

渠魁一人賊暫退尋別出寇掠祈卻之翌日復戰祈

特勇深追遂遇害鄉人爲章立廟祈附祀焉

福建通志

陳希造字賢御福建仙遊人父吉老教諸子讀經暇必令讀百將傳每日中原擾擾正臣子捐軀報國之秋非文武兼資未易了此希造由是日習騎射會金人陷京口希造年十六被擄至北庭令牧馬希造乘間擇所調御良馬疾馳歸吉老青之每日爲定亂器以蔭授揚州錄事未赴侍父官汀州每戰必前屢奏凱捷武平之役乘勝追至義竿口策應不至遂歿於難州六邑競立祠祀之贈承事郎累贈奉直大夫

福建通志

通志

蔡青福建龍溪人紹興間與縣人鄒進熊保俱爲左翼軍步兵山寇焚縣治郡將皇甫某領步兵二十五人禦之青與進保俱屬焉方屯縣北門賊率三百餘人突至西關郡將曰我曹當効力血戰三人被髮瞋目操戈先登自卯至酉殺傷甚眾賊分兩道遁三人乘勝追之賊窮反鬪三人皆被傷歿邑人爲具殯合葬西關外名曰勇士墓

福建通志

劉頌字子誠福建建陽人紹興間爲廣州參謀官盜共母謹等陷三水鎮頌帥兵勦捕後爲淮東提刑金

主亮趨淮東領力戰死之賜諡忠烈領之族翰諡忠顯子羽諡忠穆改諡忠定琪諡忠肅領諡忠烈建人

稱爲五忠劉氏

福建通志

陳適字正中福建連江人紹興二年特奏名授海康縣尉時蠻寇陸梁適繕器械練兵力戰克捷乘勝深入忽伏兵四起寇縛之適厲聲曰男兒讀書死必殉國吾世代衣冠荷國厚恩恨不盡忠以報今得死所矣遂遇害事聞贈宣教郎官其子

福建通志

楊世永福建晉江人祖注登慶歷六年進士官至廣東提刑父偶爲長泰縣令世永性至孝嘗割股以愈



母疾紹興五年調肇慶府高要縣尉寇駱科犯境世  
永貫楛鎧佩兩刃跨馬獨出伍長激其徒曰汝輩不  
可負官人相率從行二舍許遇賊戰死兵皆號哭無  
生還者事聞詔錄子夢齡官

福建通志

梁楚電白縣人紹興中嶺廉州博白縣令時交趾寇  
犯境楚堅城力守與賊戰引弓連斃數賊官軍不援  
城破被執以火炙楚楚罵不絕口而死高宗嘉其忠  
節贈禮部侍郎

輿地紀勝崇祀鄉賢

戴志

虞輔國李憲不傳籍貫俱爲澄海將軍才略雄一時  
以意氣相許紹興五年海寇陳旺攻雷州南城輔國

與郡守護曰海寇勇於水鬪惟陸戰可挫其銳彼知  
城內有備必不敢久苟斂鋒而待則彼圍結營堡必  
野掠獲軍復還攻我則城必危乘其勢之未定橫衝  
以搃之勝則城可保敗則賊知懼故守則禍深戰則  
禍淺請出戰郡守難之憲復以死請遂開南門而出  
自朝至午戰數十合輔國死之憲愈奮厲戰至暮亦  
死寇不得入乃縱火而去郡城獲全

粵大記

詹世勛婺源人光國子紹興三十年以薦爲舒城縣  
民兵正將弟世勛副之世勛以民兵怯弱不足用乃  
召募強壯得六百二十八人謂之義士教之戰陣與

其甘苦皆感奮願効死力令散去各安其家而後來  
會未幾金騎數千突至境世勛急禦之義士之至者  
纔六十人世勛引之入栲栳原金使人招之降世勛  
叱之揮部將王悅王俱直前奮擊原中險狹金騎不  
得騎大敗去明日復悉眾來世勛身被數箭創甚呼  
其子大淵曰我死汝必繼吾之志遂死目不瞑其長  
子輔謂大淵曰父告爾未答故也大淵撫尸而號曰  
所不繼志者有如栲栳原乃瞑

徽州府志

趙良坡字深甫坦兄瀋默進士守禦廣州爲元兵生  
獲欲降之不屈元將義之放歸踰年元將思其賢復

索而得之欲薦於朝良被終不屈怒目詈罵元將令  
左右刃之良被大呼曰我得死所矣遂伸頸受戮其  
子友直同榜進士聞難泣血冒刃歸櫬葬西溪湖眠  
牛山所居有視清亭戒子孫弗仕元

萬曆上  
虞縣志

毛士毅字伯任賀州人累舉推恩爲化州吳川簿就  
移石城令李接反攻石城士毅語邑尉曹君曰吾與  
君當以死衛百姓料合義丁得二三百人與賊戰眾  
寡不敵尉死於鋒鏑士毅罵賊而死劉燭經略廣西  
爲文以祭之曰公以卑位爲國捐軀少伸忠憤雖致  
禍之甚慘而垂芳之無窮事聞于朝孝廟嘉其忠義

贈承事郎告詞云爾徇國家而捕寇冒鋒鏑以捐軀  
摧敗匈奴徒留名萬代朕有懷壯士喜想英風優加命  
秩之崇庸賁九泉之寵尙期精爽不昧欽承事見賀

州圖經

輿地  
紀勝

楊九鼎字叔鎮以父由義任入官帥襄清夔有善政  
復易利漕帥天漢敵劫大散關九鼎復之又復阜郊  
殺偽元帥完顏阿璘後兵再至九鼎死守清野原除  
太府少卿總領蜀賦時都統吳政戰歿麾下兵潰敵  
據漢中擣大安軍九鼎檄張威何進勦於三泉匹馬  
不返會蜀有新帥首招潰卒至雞公嶺復叛帥挾兵

以遁有勳九鼎遷者谷曰九鼎有職守不可去賊至  
遂遇害贈五官至朝議大夫官其子三人

咸清臨  
安志

黃樞字機先南豐人慶元進士爲南雄司法炯寇猖  
獗郡檄樞督餉且調度破之賊率眾數萬空巢而出  
官軍不滿千遂死之初樞問途著隻轆語其下曰以

此爲識已而賊退求尸得轆以證事聞贈通直郎

林  
志

江應洪字泰之青陽人慶元五年進士趙方帥襄陽  
辟應洪爲佐後知德安府法數十年疑獄權准東提  
刑兼知揚州元兵至多方禦之力屈死

一  
志

鄭勳字景稠

國善作  
字景固

福建仙遊人嘉泰二年進士知

惠州博羅縣先是廣州摧鋒軍遠戍建康比歸留戍  
江西久之求撤戍不報統領熊喬部下卒曾忠遂倡  
亂焚掠州境長驅西下或勸喬避其鋒勳曰吾去如  
百姓何須待熊統軍來論遣之賊至喬已逸勳正衣  
冠坐廳事諭以禍福不聽罵賊不絕口遂遇害事聞

贈朝奉郎官其一子

福建通志

應純之字純甫永康人嘉泰二年進士歷知楚州兼  
京東經略安撫使收捕李全等所向多捷曾李全來  
歸密請於朝謂中原指日可復史彌遠鑿開禧事不  
欲大舉但勅立忠義軍令純之節制既而慳兵部侍

郎與金戰沒於陣朝廷嘉其忠遣使葬之

金華先民傳

昔橫字飛卿居郟開封隨駕南渡橫稟奏雄傑見義  
勇果負才尙氣不屑下人而臨財均與士信士亦樂  
推先之少遊兩淮具知形勢開禧改元北伐詔下許  
忠義自效橫傾家貲募士得數百人歸招撫司進兵  
泗上城下以功補進義校尉卽所部爲忠義軍以橫  
爲將官繼從都統制畢再遇戰鳳凰山先登陷陣陞  
強勇軍准備將同諸軍拒虜淮陰時虜先以銳卒五  
千驟馬二千絕淮欲乘虛深入而以重兵躡其後橫  
等夜至卽遣騎銜枚繞其營欲遂攻之願虜勢難測



莫爲之先橫請行眾莫敢從乃挺身獨入既周視營  
壘出語眾曰虜與易耳卽分勇士百人篝火散伏而  
飭其餘摩厲以須令日聞號舉火見火入營後者斬  
眾曰諾橫奮臂一呼火明如晝營中騾馬盡驚士卒  
紛擾我師整隊而入勦殺殆盡其幸而逸去亦爲騎  
卒所掩無生還者時虜糧舟徧熾淮岸悉就焚毀再  
遇上其功第一授承節郎強勇軍統領移戍六合時  
城被重圍橫數出突陣虜莫能當道馬鞍山卒與虜  
遇而城下之虜亦應之腹背交攻眾寡不敵遂沒於  
陣時年三十三再遇痛惜之事聞特贈訓武郎與兩

賚恩澤再遇復上奏曰國家自遣兵中原御虜淮南將士立尺寸之功者皆受不次之賞其有成績卓然死節明甚者倘非恤典優厚何以慰忠魂而勸死士伏見故贈諱武郎昔橫斜合義旅隨臣出戰前後所立皆出等奇功又能率眾迎敵力窮就死與其他一時沒於王事者不同欲望朝廷例外更賜推恩以爲忘身殉國者之勸尋有旨更與兩賚恩澤准人肖像祠之命曰紀忠

劉宰漫塘文集昔將軍行述

唐璟字用章楊子東鄉人父寔紹興間嘗領鄉兵拒敵馬鞍山獲功補官開禧間金兵攻六合及儀徵將

指淮陽璟以民兵總轄親率子弟及所部強壯廣橋  
填堰謀決陳公塘以拒之時塘隸轉運使擅決者罪  
且死眾欲請之官璟曰必待關白豈能及事乎乃決  
其水俾東與句城塘會接揚州城南西連儀徵南際  
運河北距岡隴平原曠野不日而成巨浸敵騎登集  
家山望遂驚去州賴以免郡守以聞將命之官會疾  
不就後權和州侔金人屠城遇害事聞贈官錄其子

弟

儀徵  
縣志

程光庭字朝望休寧人嘉定戊辰進士調信陽軍  
山尉時金人犯境光庭出方略屢屢克辟差軍學

教授金人犯光山圍沙窩督兵赴援奏海陵之捷知  
羅山縣金人窺斬黃趙方辟爲節制三關部軍策應  
歿於王事贈朝奉郎諡詞云爾三仕於邊終始一節  
周旋師旅事不辭難所謂國爾忘家也

徽州府志

梁滿保昌人嘉定二年江西峒賊犯境滿率鄉民禦  
於柯水均戰死居民立祠祀之

大清一統志

秦綱建康人性武健有膽略所爲詩文多悲壯慷慨  
嘗出邊徼與諸將校遊習知塞上險要復挾輿圖遊  
京師以策干當事無所遇獨與寶謨閣學士劉克莊  
善時莆田方信孺使北議和克莊薦綱與俱凡三至

後嘉定中信孺守韶郡綱亦從焉赤水洞賊爲亂信孺募土兵命綱將而討之深入谿峒士卒多亡去乃揮戈奮前與賊格鬪而死郡人哀之祀於韶之光孝

寺

郡志

陳日福建懷安人嘉定中武舉正奏授忠翊郎江州統領歷知壽春府霍邱縣紹定中從陳韓平建邵寇歿於王事南劍人祀之於愛仰堂

福建通志

戴衍字崇禮兗州人嘉定丁丑進士嘉熙元年十月以奉議郎知常熟縣事葺學宮廣貴舍說二戴禮於講堂聽者恨得之晚邑城卑濠淺因舊修濬屹然金

湯開河築隄水旱有備邑人朱子器應募爲兵衍奇  
之勉以學卒爲儒者高士鍾璣王澹人無識者衍言  
於范大成薦之朝所拔士印應飛徐曾三趙時貴張  
士元揚麟伯皆爲名公卿在任三年遷提轄左藏庫  
尋以薦爲屯田員外郎奉詔視師江淮至高郵遇元  
兵前鋒以槩刺衍衍脫朝冠擊之張目大罵遂遇害  
閱四十年衍子綏來爲王太常萬壻奉衍骸骨葬於  
虞曾偉常熟志載元和縣孔  
文貞戴侯廟祀二戴祠碑

黃從龍永豐人嘉定進士爲郢州推官元兵入襄峴  
郢當要衝守將潛遁從龍抱印登城大呼曰張巡許

遠之事正在今日誓指血書死戰報國字與子熙力

戰死

林志

王越字國瑞樂平人嘉定進士授光州固始簿有經略善撫綏明年金人圍光州越解之改固始令厲兵完城紹定四年金兵犯淮守令望風遁越舉輕騎襲金人出其不意得輜重以還金怒奮兵圍固始城濠深浚敵不能入相守三月無援越度勢不可支乃屬固始民曰我不忍若等流離願事勢不可爲遂懷印

赴漆井死諱勇節

人物志

曹孝先字元思奉化人寶慶中任楚州錄事參軍李

全謀叛遣劉國慶脅犯制置許國孝先趨入諭之曰  
制置朝廷大臣犯制置是犯朝廷也語既爲亂軍所  
射中喉拔箭叱曰誤李全斬東市非汝曹而誰曹孝  
先決不求生許制置決不可殺賊鏃鏃交集血流被  
體猶登城與國謀血盡氣微國枕之以磚遂絕事聞  
詔賜廟額曰旌忠宮其子說

甯波府志

徐干能福建莆田人祖師仁寶慶二年干能以赦文  
推恩入仕紹定間調循州興寧主簿任未及月賊陳  
三槍羅動天迫境干能與令顏公衮往諭不聽遂與  
公衮厲聲罵賊賊并其二子將殺之一賊喝云且留



一少年僅次子萬金得免郡守林杲爲之申狀監司

掩不以聞

福建通志

黃復字乾叟福建劍浦人寶慶二年進士除淮安軍山陽縣尉聞汀寇倡煽獻三策於朝累轉通判滁州復與州守陳廣中協力拒守廣中主西門復主北門射殺數千人已而廣中中砲死復攝州事士氣復振城被圍八旬餘救援不至遺子書云父老矣食君之祿繼之以死猶生之年也前後數百戰而歿總制趙葵餉臣吳潛上其事官其子屋廣皆從事郎

福建通志

廖居仕福建將樂人由鄉舉任曲江尉海寇執之罵

不屈立又數人遂遇害詔封韶陽郡守諡文忠

福建通志

姚望之字育呂福建寧德人嘗受學高頤之門寶慶二年武舉擢第會朝議恢復三京制置使趙葵辟爲屬官王師抵汴乘勝復西京望之以汴河糧運未繼請休養士卒濬治城壘以備不虞不聽未幾師敗望之竟歿於王事

福建通志

吳從龍字子雲奉化人建康府統制紹定初李全犯揚州主帥丁勝遣從龍爲先鋒赴敵馬蹶被執使至秦州諭降佯許之至海陵城下大呼曰我右軍統制吳從龍也馬中矢被執至此揚州城無恙奉城堅宜

死守賊無能爲也全怒寸鬱之罵不絕口以至於盡  
詔立廟揚泰二州賜額褒忠官其從弟虎至武經大

夫

家鉉翁  
忠節記

劉純字君錫福建建陽人父崇之純精騎射以父蔭  
授沙縣主簿調袁州分宜縣丞尋入監和劑局紹定  
中閩寇晏頭陀等嘯聚汀郡連犯南劍建寧純適調  
湖北帳幹聞賊迫近鄰里辭歸散家財招唐石義勇  
千人討之邵武守王遂請於朝以純知邵武縣後討  
下瞿賊被執不屈死之事聞贈朝散郎諡義壯立廟  
於邵武麻沙賜額忠烈

福建  
通志

朱浚字深源福建建陽人曾祖熹浚少負奇節累官  
兩浙轉運使兼吏部侍郎尙理宗公主元兵入建寧  
王積翁棄城遁浚與公主入福安誓與知府王剛中  
死守及元將阿剌罕襲福安剛中與城降浚與公主  
仰天大哭曰君帝室王姬吾大儒世胄不可辱於敵  
人手遂飲藥死贈朝散大夫

福建通志

顏公衮字鼎卿福建龍溪人以父澤補官調循州興  
寧令紹定間凶賊陳三槍羅動天迫興寧公衮下車  
諭以理義賊怒公衮厲聲叱罵之與主簿徐干能等  
皆遇害邑民哀之爲立祠詔贈朝奉郎官其子貢

福建通志

通志

高談字景遂光澤人紹定二年旁郡盜作諸子請避之談曰昔楊子訓問避寇於胡安國語之曰往歲盜起燕山則河北關中可避入關則河南漢南可避今惟二廣盡保無寇乎吾惟存心以聽命爾此格言也今南則汀劍西則盱贛皆盜區守隸利人囊篋指爲敵剽殺之將焉避乎盜入諸子又請談曰有廟祐在賊至談出曰時和歲豐何忍爲此盜曰吏貪暴民無所愬我爲直之談曰獨不能撾鼓上聞乎民何辜而殺之盜怒執諸庭遺之牛酒不釋遺之金帛不釋談

曰然則將何爲盜曰我欲東破武陽若得耆老如爾者率是鄉子弟吾其濟乎談曰斯言奚爲至我唾賊大罵遂遇害而里人賴以免談平居言動必由禮法故鄉人敬而附之

閩書

張恂一名景說字欽甫岷人紹定四年爲定城縣尉攝麻城縣事適敵攻破沙窩關深入麻城兵不支被執晉使降恂曰吾氣吞若曹顧方屈耳豈從汝耶遂遇害事聞贈通直郎

兩浙名賢錄

卓得慶字善夫號樂山福建莆田人紹定五年進士甲科教授道州愿知饒州德興縣舊時逃賦專責戶

長中下戶畏是役率以無產爲幸爭相飛寄得慶始  
按民產高下各使出穀名曰義莊募人充戶長以代  
役民以爲便景定元年召除秘書省著作郎兼浙靖  
惠王府教授左司郎中以忤時相賈似道旬外出知  
漳州次年嘉禾產一莖九穗最上賜詔寵召還授兵  
部郎不拜提舉雲臺觀德祐二年以大理寺卿趣行  
引疾固辭景炎二年特旨除右文殿修撰戶部尙書  
兼福建制置司參謀官是冬十月元兵逼興化城得  
慶與家人訣曰柱傾維絕千百年何益靈前一尺毋  
卻一寸與其藏溝瀆而生曷若守家廟而死俄甲士

至執得慶并二子規權殺之年七十有二得慶早以  
詞賦名晚深於易丞相江萬里器重之仲子準承直

郎監福州海口鎮

福建通志

吳駿發江都人少遊鄉校卽有投筆之志紹定間李  
全攻城郡守募良家子禦駿發與其黨應之賊平以  
白衣補將校金人入境又以轉戰功累遷鎮江右軍  
統領元兵據盱眙大使賈似道遣兵攻之駿發與偏  
裨爲前鋒勇氣百倍會元援兵至駿發死之事聞賜

恤甚厚

蘇州府志

徐斌福建建陽人端平初隸建寧府十二指揮虎翼



軍值卒黃勇等叛欲殺守約三鼓突入郡治至別廳之便門斌適在闔戶拒之守得逸去賊誘斌以利不

聽乃斬闔入遂遇害後守姚瑤立祠祀之

福建通志

徐梅龜字耀叟壽昌人登進士第授靈邱縣尉端平三年元兵犯境梅龜率土人王鎔等劄寨安陽諸山保障生民鄰境亦賴以安嘉熙元年元兵又至梅龜身先士卒俘獲甚眾次年春元大舉入梅龜與戰不利願謂其子尚古曰彼眾我寡我知之矣委贄爲臣有死無二汝其行乎尚古曰大人既能死忠尚古豈不能死孝乃轉戰益力皆遇害贈宣教郎官其子汲

古進武校尉尚古贈承信郎有其子肅進義校尉梅

龜嘗著春秋指掌圖行於世

香齋筆  
通志

徐夢發福建浦城人父鳳夢發登嘉熙二年進士授  
盛德令累官朝議大夫廣東招捕使居官二十八年  
平恕仁慈討捕所至靡不望風來附景炎初元兵南  
下夢發守仙霞關敵猝至左右皆潰夢發獨踞坐大

罵遂遇害

福建  
通志

劉仕龍字時甫世家於婺淳祐辛丑進士從戎鄂州  
秩滿幹辦江陵府御前諸將軍統制公事召試閣職  
除闔門舍人請外知復州尋守賓繕關隘飭闕器未

幾易守廉備廉如在賓時數條上邊事時宰忌之徑  
坐是去景定改元詔知雷州兼理軍務會敵犯疆統  
領諸將出禦中流矢以歿封定節侯

事多得劉  
仕龍墓誌

鮑廉龍泉人淳祐中以宣教郎知常熟病邑志闕略  
聘邑士鍾秀實胡澹輩增訂所未備卽今重修琴川  
志也寶祐初辟差充沿江劍置使咸淳中知臨江軍  
德祐元年二月元兵渡江廉率所部迎敵於天長六  
合間大小百餘戰旣而元兵合圍退入臨江城陷向  
闕泣拜遂殉節贈直華文閣子穆景定間中宏詞科  
宋亡隱居不仕

據續宋通鑑琴川志  
序合集參南匯志

曾如驥字德稱泰和人瀆祐進士官寶慶通判值長  
沙失守謀者咸謂降足自保驥曰吾安忍爲身謀誓  
與此城俱存亡既知不可爲遂書舍身取義章於郡  
齋壁上投濱江死景炎元年贈敷文閣待制諡忠愍

吉州正氣錄○舊案忠愍死事始未詳見  
羅念菴寶慶祠記及尹洞山祠堂碑中

陳夢立名植以字行福建漳浦人年十八以祖景肅  
蔭補太學生安定郡王伯澤妻以女賜食邑尋調龍  
溪令轉漳州司理後第瀆祐四年進士德祐初提督  
嶺南海路兵馬帝昺浮海夢立提領海舟見事危斷  
維出港自以六舟泊梅嶺收亡命馳檄諸蠻圖立宋

後已而聞張世傑舟覆元人索捕急遂變姓名匿於  
天岸白葉九侯間臨終遺命曰葬我必南望匡山弟  
格初爲嘉興府海鹽主簿帝昺之亡也格從容賦詩  
從死夢立以其袍笏招靈葬於漸山書院後漳浦人

並祀之

福建  
通志

吳洪德字長翁涪安人涪祐九年進士累官至金部  
度支員外郎遇事激烈多與時忤宋亡死難

弟雄飛字次翁景定二年進士累官至太常寺簿宋

亡募兵赴難死

嚴陵  
志

樓斌字一中浦江人私淑倪文卿氏讀其疏草知兵

食戰守之策山川險要之處莫且暮得當以佐恢復  
每聞雞起舞日中原陸沈豈丈夫安枕時平聞史彌  
遠矯詔殺濟王作詩哭之詩漸傳播逢彌遠意者逮  
治斌斌不爲屈會有解之者得釋登涪祐十年進士  
累官至翰林說書開慶元年買似道鄂州乞和以捷  
聞斌直發其奸章三上似道怒嗾言官劾其誣罔受  
責傷重賦詩而逝

續補陽  
人物志

程洙休寧人涪祐十年進士授貴池縣主簿十年以  
廉謹稱調上元縣時元兵南侵洙撫字盡誠民賴以  
安及代請留不得發元兵入建康百官以次降附洙

歎曰吾受宋官二十餘年豈忍偷生乃屬後事於子  
徹沐浴闔門縊死洙平生好吟詠忠義之氣悉形於  
詩有南窗詩集徹領薦任國諭克世其學

徽州志

徐宗仁字求心永豐人淳祐進士官國子監主簿開  
慶元年伏闕上書極論邊事又論董宋臣盤固日久  
蒙蔽日深又請使有言責者皆得盡其言累遷考功  
郎兼崇政殿說書國史編修實錄院檢討德祐元年  
授吏部侍郎中書門下檢正諸房公事權禮部尙書  
兼益王府贊讀衛益王走海上厓山敗死焉

豫章書

趙良坦字平甫良坡弟寶祐二年進士知永嘉瑞安

福清並以廉介名會吉廣二王走閩中檄良坦以軍器監海贛軍事於是募兵守禦元兵南指力屈就擒脅降不屈繫獄中二年作書付其家曰試令三載無愧於心守節二年不屈於敵只因忠義二字累及老稚一門今惟死而已後元帥詰其不屈狀對曰生爲

宋臣死爲宋鬼遂欣然就刑

萬厯紹興府志

楊夢斗字子仰福建長樂人寶祐四年進士歷揚州都統使鎮服蠻酋兄琦弟叔濟姪次鄭分守要害景炎末宋室播遷夢斗與文天祥力抗元師兵敗赴揚子江死里人立祠祀之扁其額曰文章節義

福建通志



陳壽孫瑞安人登寶祐第授台州教授會新郡守初  
視篆守丞相丁大全黨也謁廟日壽孫揚言曰冉求  
聚斂孔聖鼓攻守黨丞相可升夫子之堂哉守聞解  
印去後直龍圖閣歷福建提刑入覲與賈似道爭鹽  
法被劾歸里元兵至率市人禦之被執不屈死

閩書

陳龍復字本叔福建南安人寶祐四年進士徽歷州  
縣以清勤著聞德祐初家居值文天祥開府南劍辟  
爲參議官兼行太府少卿福建提刑天祥以其老成  
重之遣往漳湖計會天祥兵敗奔循梅就命分司潮  
陽龍復積糧治兵四方豪傑翕然響應天祥由是趨

湖陽與龍復相會未幾天祥移屯海豐龍復從至五  
坡爲元兵追及遇害年七十有三學者稱爲清陂先

生

福建通志

蔡蒙吉程鄉人生而穎悟八歲能背誦五經從福建  
鄉貢進士侯安國福建寧化人教授梅州遂隸籍焉  
學春秋了其大義年十二應童子科登寶祐四年進  
士第出身授迪功郎再試銓衡復中第一加三資授  
從政郎韶州司戶兼司法未上而值世變郡守湯執  
中檄權梅州僉書事義兵總督德祐二年冬元招討  
使易正陷梅州蒙吉被執正大舉兵趨潮州羈蒙吉

於興寧使其下陳一元權知興寧守之蒙吉罵曰吾  
知盡忠報國耳詎肯苟生耶爲一元所殺暴其尸三  
日顏色不變一元異而瘞之時年三十有二明年三  
月文天祥復梅州嘉其忠爲文祭之收骸骨歸葬其

鄉

藏志

陳士英福建永春人爲縣隅總寶祐六年山寇犯境  
率民兵二百鼓行而前眾見賊多皆辟易士英掀髯  
奮擊力不支死之

福建道志

卓子信福建永春人爲縣隅總開慶元年寇蕪縣境  
子信率民兵禦戰眾潰被擒惜其驍勇脅降不從遂

遇害郡守吳昺先後表士英及子信門

福建通志

曾逢龍寧都人開慶初進士爲新會令能以忠義自許爲政有循良風景炎元年六月元曾呂師夔遣其將黃世雄寇廣州經略使徐直諒遣郡人李性道領兵拒之性道降於世雄受虜官爵秋九月東莞民熊飛復廣州世雄遂遁會逢龍率鄉兵禦虜亦至州城性道迎謁祈哀逢龍擒而誅之時端宗在閩聞其功降敕嘉獎擢韶州通判未幾師夔復入寇連韶諸州守皆降制置使趙滙遣逢龍往南雄拒之與虜兵遇力戰不敵知必被執乃正冠裳縊而死贈龍圖閣學

士粵大  
記

高應松字負畝福建長樂人開慶元年進士累擢權  
禮部員外郎翰林權直元兵陷臨安自湧金門入舉  
朝奔竄從官存者九人應松其一也同留者正言陳  
春伯侍郎翁仲得大理卿郭琪皆福州人是日除應  
松中書舍人直學士院令草降表應松泣辭改權工  
部侍郎進端明殿學士簽書樞密院事時國事已去  
擁虛名而已恭宗及太后北行應松扈從至燕絕粒  
不語越七日而死

福建  
通志

曾填紹興人開慶己未爲瑞州錄事參軍以州命行

各縣賑餓民值元兵至被擒主帥聞其名誘之以利  
不從且誓之遂死事聞贈秩官其一子

江西通志

豐存芳字公茂鄱縣人稷元孫爲太平縣倅景定元  
年元兵至知州孟知縉謀以城降存芳諫不聽嘗之  
知縉遂引元兵屠其家同死者十八人卒方義竊其  
孤八歲禮長於民間傳至曾孫淳甫洪武中以賢良  
薦仕至監察御史

兩浙名賢錄

胡德廣字及之景定庚申元兵渡江奸人因之爲盜  
德廣鳩聚鄉兵撫安邑境郡縣上其功特授迪功郎  
尉仙居縣以親喪不赴德祐初元兵入臨安宋丞相

奉三宮赴燕德廣曰吾以身許國義當與國存亡遂  
集義勇日夜訓練之未幾婺州破乃嬰城自守會永  
康章瑄起兵復郡遣人邀德廣德廣曰吾去則奸謀  
復起亂在肘腋遂不往未幾瑄敗元兵乘勝至東陽  
德廣據險拒之元兵屢挫前謀逆者附於元以圖道  
示之攻其後眾遂潰德廣不屈死其配朱氏亦自殉

死

東陽縣志

韓觀國字用賓景定進士授潭州錄事元兵下江南  
頓師堅守不下凡閱月城陷死之

人物志

劉揚祖字宏宗慈谿人景定三年進士爲刑部員外

郎見賈似道執政國事日蹙遂有隱志逾年宋亡改  
冠裳慟哭及元下詔求賢揚祖不忍聞遂徙家雲湖  
山寺之東自號介白散人終身不出

續文獻  
通考

林逢龍字慶雲平陽人弟廷龍字雷發俱爲太學生  
當理宗末元兵入侵逢龍上書陳戰守計不報咸淳  
中同廷龍叩閣言事惟賈似道歸鄉里後逢龍又上  
封事乞正似道誤國之罪宜急調兵解襄樊圍似道  
怒削其籍押還本貫乃屏跡居山德祐丙子元兵至  
溫州素聞逢龍名令軍校至山中索之遂被執驅迫  
登舟入城元兵欲用之逢龍攘臂怒罵曰我宋書生



也豈爲汝用哉以腹觸其刃而死廷龍亦被執不屈

同日遇害

温州府志

陳虞之字雲翁永嘉人登咸淳乙丑第授揚州教授  
歷官廣王府記室參軍積階承議郎元兵至溫虞之  
率子姪鄉人千餘登芙蓉巖誓以死守不降元兵攻  
巖累爲所敗越二歲始下乃盡以家貲投巖隙中遂  
自刎死子姪妻孥及鄉人死者八百餘人

兩浙名賢錄

章如旦字希周餘干人咸淳進士起家東陽主簿至  
知撫州僉判元兵圍襄陽得江萬里書言呂文煥降  
泣不食三日與安仁陳陽見提刑謝枋得會枋得與

張棟帥議勤王帥大喜因與至弋陽入朱神廟卜如  
旦曰今國家大勢如此又何疑哉爲臣子盡忠孝而  
已枋得顧陽曰壯哉章希周也德祐中元兵圍饒州  
枋得集兵安仁如旦起兵迎之旣而饒州降餘干亦  
降元兵攻安仁至團湖張孝忠戰死如旦敗走尋死

之

江西通志

邱必明南雄保昌人咸淳辛未進士累官韶州僉判  
德祐丙子元兵逼梅關時東莞勇士熊飛領兵與元  
帥戰敗還元帥攻城城陷必明被執不屈殺之白血  
流地時人哀其志節立祠祀之

戴志

何新之西安人仕至樞密院編修嘗採唐宋詩爲詩  
林萬選後知終安軍死節

嘉靖漸  
江通志

宋史翼卷二十一終

男樹麟校字